

Na osnovu člana 16.stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), a u skladu sa Zakonom o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona na 6. sjednici održanoj dana 24.05.2019. godine
d o n o s i

ZAKLJUČAK

I.

Daje se saglasnost na Program utroška sredstava Fonda za zaštitu okoline za 2019. godinu u razdjelu 19, budžetska organizacija 01, potrošačka jedinica 0001, Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), ekonomski kod 614100 (Transferi općinama iz sredstava za zaštitu okoline) u iznosu od 3.010.000,00 KM (slovima: trimilionadesethiljada konvertibilnih maraka) i ekonomski kod 6143, 6141, 6139, 8213, u iznosu od 2.540.000,00 KM (slovima: dvamilionapetstotinačetrdesethiljada konvertibilnih maraka) i čini sastavni dio ovog Zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Za realizaciju ovog zaključka zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____ /19

Datum, 24.05.2019. godine

Z e n i c a

PREMIJER

Mirza Ganić

DOSTAVLJENO:

1x Ministarstvo za prostorno uređenje,
 promet i komunikacije i zaštitu okoline,
1x Ministarstvo finansija,
1x a/a.

PROGRAM
utroška sredstava Fonda za zaštitu okoline za 2019. godinu

I.

Budžetom Zeničko-dobojskog kantona za 2019. godinu („Službene novine Zeničko-dobojskog kantona“ broj: 3/19), na razdjelu 19, budžetska organizacija 01, potrošačka jedinica 0001 - Ministarstvo za prostorno uređenje, promet i komunikacije i zaštitu okoline utvrđena su sredstva za zaštitu okoline za 2019. godinu u ukupnom iznosu od 5.550,000,00 KM.

Sredstava za zaštitu okoline raspoređuju se, u skladu sa Odlukom o načinu raspodjele sredstava Fonda za zaštitu okoline („Službene novine Zeničko-dobojskog kantona“ broj: 18/12, 1/15) tako da se 70% sredstava u odnosu na budžetski priliv, odnosno iznos od 3.010.000,00 KM usmjerava u općinske budžete, a 30% su pripadajuća sredstva Vlade Zeničko-dobojskog kantona.

Općine sredstva troše namjenski za planove i projekte iz oblasti zaštite okoline. Izvještaj o utrošku tih sredstava općine na kraju godine dostavljaju Ministarstvu za prostorno uređenje, promet i komunikacije i zaštitu okoline, koje priprema Izvještaj za Vladu Zeničko-dobojskog kantona. Budžetska sredstva planirana u koloni „Plan izdataka iz namjenskih sredstava“ u iznosu od 5.550.000,00 KM raspoređena su na sljedeći način:

Ekonomski kod	Vrsta izdatka	Iznos sredstava
6141	Tekući transferi općinama	3. 010.000,00 KM
6141	Transferi drugim nivoima vlasti (Troškovi finansiranja projekata Vlade)	1.500.000,00 KM
6143	Tekući transferi neprofitnim organizacijama	150.000,00 KM
8213	Nabavka opreme	850.000,00 KM
6139	Ugovorene usluge	40.000,00 KM
UKUPNO		5.550.000,00 KM

II.

Budžetom utvrđena sredstva u iznosu od **2.540.000,00 KM** Ministarstva za prostorno uređenje, promet i komunikacije i zaštitu okoline za 2019. godinu će se utrošiti za realizaciju sljedećih projekata.

1. Naziv projekta: Pomoć općinama Zeničko-dobojskog kantona u postupku zbrinjavanja komunalnog otpada

Cilj projekta: U cilju realizacije Akcionog plana Federalne strategije zaštite okoliša (2008-2018), Plana upravljanja otpadom Zeničko-dobojskog kantona kao i Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, potrebno je pružiti pomoć općinama koje odlažu ili planiraju odlaganje otpada na Regionalnu deponiju „Mošćanica“. Upravljanje komunalnim otpadom podrazumijeva uspostavu odgovarajuće infrastrukture za prikupljanje komunalnog otpada, izgradnju pretovarnih stanica, selektiranje, recikliranje komunalnog otpada i odlaganje na uređenu regionalnu deponiju. Pomoć općinama u upravljanju komunalnim otpadom podrazumijeva i pomoć u finansiranju transportnih troškova za najudaljenije općine u odnosu na regionalnu deponiju. Program će se realizirati putem javnog poziva.

Iznos sredstava: 900.000,00 KM

2. Naziv projekta: Pomoć općinama Zeničko-dobojskog kantona u postupku čišćenja obala rijeke Bosne.

Cilj projekta: Nedovoljan obuhvat organiziranim sakupljanjem otpada u općinama, kao i štete nastale od posljedica elementarnih nepogoda posredno utiču na moguće opterećenje obala rijeka različitim vrstama otpada. Ovo pored ostalog predstavlja pored finansijskog, ekološkog i tehničkog, također i krupan društveni sociološki problem. Provođenje aktivnosti čišćenja, također mogu doprinjeti nestajanju prakse ponovnog bacanja smeća na sanirane površine, ali te aktivnosti moraju biti praćene i organizovanim sistematskim tehničkim i finansijskim mjerama programima i projektima.

Ovim projektom planirano je pružanje pomoći općinama u realizaciji projekata koji se odnose na aktivnosti uklanjanja divljih deponija sa obala i korita rijeke Bosne, čišćenje priobalnog pojasa od krutog otpada, PET i PVC otpada, kao i svih drugih vrsta ambalažnog otpada, omogućavanje prohodnosti i pješačenja kroz aktivnosti kresanja granja, drveća i šiblja.

Program će se realizirati putem javnog poziva.

Iznos sredstava: 500.000,00 KM

3. Naziv projekta: Podrška podizanju svijesti o okolišu

Cilj projekta: Ostvariti partnerski odnos i saradnju sa nevladinim organizacijama, obrazovnim institucijama, javnim ustanovama i medijskim kućama, uz podržavanje apliciranih projekata kojima se propagira zaštita okoliša i podizanje svijesti građana o potrebi okolišno održivog ponašanja u implementaciji niza modela za zbrinjavanje otpada, smanjivanja zagađivanja zraka, zaštiti prirode, voda i tla. Program će se realizirati putem javnog poziva.

Prenos ugovorenih, a nerealizovanih finansijskih sredstava po osnovu:

Ugovora broj 12-23-3402-U54/18 od 02.07.2018. godine (iznos sredstava 2.000,00 KM) zaključenog između Ministarstva za prostorno uređenje, promet i komunikacije i zaštitu okoline i Metalurško-tehnološkog fakulteta Univerziteta u Zenici.

Ugovora pod brojevima 12-23-10938-U16/15 od 19.11.2015. godine (iznos sredstava 3.500,00 KM), 12-23-6316-U18/16 od 06.09.2016. godine (iznos sredstava 4.000,00 KM) i 12-23-2482-U44/17 od 05.09.2017. godine (iznos sredstava 3.000,00 KM) zaključenih između Ministarstva za prostorno uređenje, promet i komunikacije i zaštitu okoline i Mašinskog fakulteta Univerziteta u Zenici.

Iznos sredstava: 150.000,00 KM

4. Naziv projekta: Izgradnja Eko kuće Smetovi

Cilj projekta: Osnovni cilj izgradnje eko kuće na Smetovima je obezbjeđenje uslova djeci školskog uzrasta da se, u periodima prekomjerne zagađenosti ambijentalnog zraka u Zenici ali i u drugim općinama, omogući boravak na čistom zraku. Zbog veoma ograničenih smještajnih kapaciteta u prethodnim godinama je veoma mali broj djece mogao dobiti smještaj na najbližem izletištu. Eko-kuća Smetovi treba da bude edukativno pokazni školski centar sa različitim sadržajima uključivo i mjerenje aerozagađenosti i mini meteorološku stanicu. Cjeneći aktuelnu ekološku situaciju i kapacitete za boravak u prirodi potrebno je učestvovati u finansiranju, ovog za djecu i omladinu izuzetno značajnog projekta. Grad Zenica će obezbjeđiti neophodne parcele, potrebne dozvole, infrastrukturu i značajna finansijska sredstva. Ostatak sredstava će obezbjeđiti Arcelor Mittal Zenica i drugi donatori.

Iznos sredstava: 100.000,00 KM

5. Naziv projekta: Izdavanje časopisa o zaštiti čovjekove okoline «ZE-DO EKO»

Cilj projekta : Redovno informisanje o aktivnostima na području svih općina Zeničko-dobojskog kantona, trendovima u oblasti zaštite okoline te podizanje ekološke svijesti svih slojeva stanovništva, a naročito mladih.

Iznos sredstava: 12.000,00 KM

6. Naziv projekta: Napiši priču uradi sliku

Cilj projekta: Ovaj projekat realizira se u saradnji sa NIPP „Naša riječ“ podrazumijeva izradu literarnih i likovnih radova, sa tematikom zaštite okoline, učenika osnovnih i sednjih škola sa područja Zeničko-dobojskog kantona. Završetak projekta se obilježava prigodnom manifestacijom uz dodjelu nagrada i zahvalnica.

Iznos sredstava: 5.000,00 KM

7. Naziv projekta: Nabavka opreme za tretman infektivnog otpada u zdravstvenim ustanovama na području Zeničko-dobojskog kantona

Cilj projekta: Zbrinjavanje otpada iz zdravstvenih ustanova predstavlja složeni sistem i njegovo ostvarivanje ovisi o nizu uslova u smislu njegova razvrstavanja na mjestu nastanka, sakupljanja, prijevoza, skladištenja, tretmana, kao i o saradnji svih zainteresiranih strana.

Neodgovorno i nepravilno postupanje s medicinskim otpadom, a posebno infektivnim, može dovesti do rizika za zdravstvene radnike i druge zaposlene u zdravstvenim ustanovama te bolesnike, a odvoženjem i odlaganjem na odlagališta bez prethodnog tretmana može dovesti do rizika za komunalne radnike.

Idealno bi bilo da svaka ustanova posjeduje po jedan aparat za tretman infektivnog otpada ali bi to iziskivalo veoma velika finansijska sredstva. Zbog toga je odlučeno da se rješenje bazira na formiranju «ostrva za tretman infektivnog otpada», koja bi bila opremljena sa po jednim aparatom, drobilicom i pripadajućom odgovarajućom opremom potrebnom za obezbjeđenje uslova za rad ukoliko isti ne postoje.

Ostrva bi bila raspoređena u Tešnju, Zavidovićima, Visokom i Zenici.

Zdravstvene ustanove koje pripadaju navedenim gradovima bi periodično prikupljali infektivni otpad i potom transportirali do mjesta gdje bi se vršio tretman infektivnog otpada, učinio bezopasnim i potom transportirao do najbliže deponije komunalnog otpada. Program će se realizovati putem javne nabavke.

Iznos sredstava: 850.000,00 KM

8. Naziv projekta: Promotivne aktivnosti, stručna usavršavanja

Cilj projekta: : Organizacija seminara, okruglih stolova, radionica, propagandnih manifestacija, medijskih projekata, sufinansiranje izdavaštva itd.

Iznos sredstava: 23.000,00 KM

REKAPITULACIJA

Redni broj	NAZIV PROJEKTA	IZNOS SREDSTAVA (KM)
1.	Pomoć općinama Zeničko-dobojskog kantona u postupku zbrinjavanja komunalnog otpada	900.000,00
2.	Pomoć općinama Zeničko-dobojskog kantona u postupku čišćenja obala rijeke Bosne	500.000,00
3.	Podrška podizanju svijesti o okolišu Prenos ugovorenih, a nerealizovanih finansijskih sredstava po osnovu: Ugovora broj 12-23-3402-U54/18 od 02.07.2018. godine (iznos sredstava 2.000,00 KM) zaključenog između Ministarstva za prostorno uređenje, promet i komunikacije i zaštitu okoline i Metalurško-	150.000,00

	tehnološkog fakulteta Univerziteta u Zenici. Ugovora pod brojevima 12-23-10938-U16/15 od 19.11.2015. godine (iznos sredstava 3.500,00 KM), 12-23-6316-U18/16 od 06.09.2016. godine (iznos sredstava 4.000,00 KM) i 12-23-2482-U44/17 od 05.09.2017. godine (iznos sredstava 3.000,00 KM) zaključenih između Ministarstva za prostorno uređenje, promet i komunikacije i zaštitu okoline i Mašinskog fakulteta Univerziteta u Zenici.	
4.	Izgradnja Eko kuće Smetovi	100.000,00
5.	Izdavanje časopisa o zaštiti čovjekove okoline «ZE-DO EKO»	12.000,00
6.	Napiši priču uradi sliku	5.000,00
7.	Nabavka opreme za tretman infektivnog otpada u zdravstvenim ustanovama na području Zeničko-dobojskog kantona	850.000,00
8.	Promotivne aktivnosti, stručna usavršavanja	23.000,00
	U K U P N O	2.540.000,00

Broj: 02- /19
Datum, 24.05.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Ministarstvo finansija,
1x a/a.